

Službene novine Federacije BiH, broj 56/16

Na osnovu člana 12. Zakona o agenciji za privatizaciju ("Službene novine Federacije BiH", broj 18/96, 2/02 i 110/12) a u vezi sa članom 14. Zakona o privatizaciji preduzeća ("Službene novine Federacije BiH", broj 27/97, 8/99, 32/00, 45/00, 54/00, 61/01, 27/02, 33/02, 28/04, 44/04, 42/06 i 4/09), Upravni odbor Agencije za privatizaciju u Federaciji BiH, na 33. sjednici održanoj 08.07.2016. godine, donio je

PRAVILNIK

O IZMJENAMA I DOPUNAMA PRAVILNIKA O POSTUPKU PRODAJE DRŽAVNOG KAPITALA NA BERZI

Član 1.

U Pravilniku o postupku prodaje državnog kapitala na berzi ("Službene novine Federacije BiH", br. 34/08 - Prečišćeni tekst i 78/08), u članu 2. iza broja 44/04 riječ "i" zamjenjuje se zarezom, a iza broja 42/06 zarez se briše i dodaju se riječi "i 4/09".

Član 2.

U članu 4. u stavu 1. riječi "na prijedlog nadležnog ministarstva, odnosno agencije" brišu se, a dodaju riječi "na prijedlog nadležne agencije".

U članu 4. dodaje se stav 3. koji glasi:

"Početnu prodajnu cijenu jedne dionice, može utvrditi vlada nadležna za upravljanje državnim kapitalom u društvu".

Član 3.

Član 9. mijenja se i glasi:

"Nadležna agencija za privatizaciju dostavlja pozive za dostavu ponuda za predmetnu prodaju svim profesionalnim posrednicima koji su članovi Sarajevske berze - burze.

Profesionalni posrednici iz stava 1. ovog člana svoje ponude dostavljaju u zatvorenim kovertama, na protokol nadležne agencije i u rokovima koje odredi agencija.

Direktor nadležne agencije donosi Rješenje o imenovanju Komisije za odabir najpovoljnijeg profesionalnog posrednika za prodaju državnog kapitala putem berze.

Komisija za odabir najpovoljnijeg profesionalnog posrednika za prodaju državnog kapitala putem berze sačinjava zapisnik i dostavlja direktoru sa prijedlogom, a odluku donosi direktor.

Osnov za odabir profesionalnog posrednika iz stava 1. ovog člana je najniža cijena posredničkih usluga za predmetnu prodaju koju profesionalni posrednici dostavljaju po pozivu nadležne agencije.

Ukoliko ponuđači ponude istu cijenu usluge, bit će odabran onaj ponuđač koji je ostvario veći promet dionicama u posljednja tri mjeseca.

Odluku o odabiru profesionalnog posrednika za prodaju državnog kapitala u društvu, nadležna agencija dostavlja na adrese profesionalnih posrednika, koji su dostavili svoje ponude.

Nadležna agencija sa odabranim posrednikom zaključuje ugovor o obavljanju brokerskih poslova."

Član 4.

Ovaj Pravilnik stupa na snagu danom donošenja, a objavit će se u "Službenim novinama Federacije BiH".

Broj 02-19-1429/16
08. jula 2016. godine
Sarajevo

Predsjednik
Upravnog odbora
Marinko Bošnjak, s. r.